

Decisiuns dalla radunanza communal Surses

La radunanza communal Surses digls 2 da december 2019 ò

- decida cun 111 vuschs e nigna cuntervusch d'augmentar la contribuziun da promoziun unica à fonds perdu per la construcziun digl hotel Grava a Savognin da fr. 600'000 sen nov max. fr. 800'000. Persiva ò igl cumegn betg ple da sa participar cun en milliun francs agl capital d'aczias dalla societad anonima, tgi è responsabla pigl investment.
- approvo cun 106 vuschs cunter 1 vusch igl preventiv digl chint economic pigl 2020, tgi prevei en surple d'antradas da fr. 742'000.
- approvo cun 112 vuschs cunter 1 vusch igl preventiv digl chint d'investiziun pigl 2020, tgi prevei investiziuns bruttas da fr. 12'394'000. Las investiziuns nettas montan a fr. 9'101'000.
- piglia cunaschientscha digl plan da finanzas e d'investiziuns 2021-23.
- fixo cun 111 vuschs cunter 1 vusch igl pe da taglia per la taglia d'antrada e da facultad digl cumegn da Surses pigl onn 2020 sen 100% dalla taglia cantunala simpla.
- approvo cun 112 vuschs e nigna cuntervusch igl credit d'object da fr. 360'000 per la sanaziun dalla Veia La Motta a Parsonz ed incumbenso igl madem mument la suprastanza cun l'execuziun.
- approvo cun 109 vuschs cunter 1 vusch igl credit d'object da fr. 800'000 per la renovaziun totala digl Punt Leusch a Savognin ed incumbenso igl madem mument la suprastanza cun l'execuziun.
- fixo cun 112 vuschs e nigna cuntervusch la quota per la vendita dad immobiglias ad esters pigl onn 2020 scu anfignen ossa sen 100%.
- piglia cunaschientscha da diversas infurmaziuns.

Igl protocol dalla radunanza communal digls 2 da december ò da neir publitgia igl pi tard en meis siva la radunanza cun en termin d'exposiziun da 30 deis. Igl termin d'exposiziun exact vign communitgia a taimp util aint igls figls uffizials digl cumegn.

Tinizong, igls 3 da december 2019

La suprastanza communal Surses